



Skýrsla um samráð

Efni samráðs

Drög að reglugerð um öryggi net- og upplýsingakerfa veitenda stafrænnar þjónustu.

Samráðstímabil:

[Mál nr. 197/2020](#) – drög að reglugerð um öryggi net- og upplýsingakerfa veitenda stafrænnar þjónustu – samráð hófst 24.9.2020 og lauk 6.10.2020. Sjá einnig [mál nr. 111/2020](#).

Fjöldi umsagna:

Tvær umsagnir bárust um mál nr. 197/2020.

Umsagnaraðilar:

Sensa og Samtök atvinnulífsins/Samtök iðnaðarins.

Samantekt um umsagnir og viðbrögð:

Reglugerðin á stoð í og tekur mið af gildissviði [laga nr. 78/2019](#), um öryggi net- og upplýsingakerfa mikilvægra innviða. Upphaflega stóð til að setja eina reglugerð, er gilda átti um alla mikilvæga innviði, þar á meðal veitendur stafrænnar þjónustu, en horfið var frá því. Systurreglugerðin, [nr. 866/2020](#), um öryggi net- og upplýsingakerfa rekstraraðila nauðsynlegrar þjónustu, var undirbúin í samráði við eftirlitsstjórnvöld samkvæmt lögum nr. 78/2019, sbr. mál nr. 111/2020 í Samráðsgátt stjórnvalda.

Útfærsla efnisákvæða sem heimila frávík frá kröfum til veitenda stafrænnar þjónustu ef sýnt er fram á að þær séu of íþyngjandi miðað við umfang og eðli starfsemi hlutaðeigandi (6., 10. og 15. gr.) hefur verið gagnrýnd. Að mati ráðuneytisins er um málefnalegar lágmarkskröfur að ræða og ekki unnt að fallast á að um ósanngjarna byrði eða ógagnsæi sé að ræða, enda torvelt að setja fram nákvæm viðmið um hvað sé of íþyngjandi fyrir starfsemi sem gera verður ráð fyrir að sé fjölbreytt og mismikil að umfangi. Mat eftirlitsstjórnvalds verður háð mati dómstóla, ef á reynir. Þekkt eru dæmi um sambærilegt á öðrum málefnasviðum, sjá t.d. reglugerð nr. 995/2007, um fjárfestavernd og viðskiptahætti fjármálafyrirtækja (einkum 6.-8. og 20. gr.). Ekki er unnt að fallast á athugasemd við undanþágu örfélaga frá gildissviðinu, enda kveðið á um þá takmörkun í 2. mgr. 2. gr. laga nr. 78/2019. Þá þykja tímaviðmið um lágmarkstíma milli þess sem áhættumat er framkvæmt og aðferðarfræði þess endurmetin viðeigandi (á a.m.k. 2ja ára fresti). Netógnir verður að líta alvarlegum augum og virk áhættustýring og viðbúnaður er helsta leiðin til að sporna gegn og bregðast við þeim.

Ekki þótti tilefni til breytinga á 8. og 11. gr. Þá verður að mati ráðuneytisins að túlka 3. mgr. 16. gr. með hliðsjón af 1. mgr. ákvæðisins, sem kveður á um að viðhafa beri virkt innra eftirlit í starfsemi veitenda stafrænnar þjónustu, og þykir því ekki tilefni til breytinga, enda leiðir skylda til reglulegs endurmats öryggisráðstafana með skýrum hætti af öðrum ákvæðum

Skjal að loknu samráði:

Reglugerð nr. 1255/2020, um öryggi net- og upplýsingakerfa veitenda stafrænnar þjónustu. Sjá <https://www.stjornartidindi.is/Advert.aspx?RecordID=6a3c3eea-83c9-4e71-a2b9-ed6003542563>.